



天台山方外志卷第十五

書

陳左僕射徐陵啓智者大師書

國清百錄云陳左僕射徐陵上



大師書最多門人競將去追尋止得三紙其
一曰陵和南昨預沈儀同法席餐奉其露無
畏之吼衆咸歸伏然正法炬朗諸未悟自慶
餘年得逢妙說尋事諮展此不申心謹和南
其二曰陵和南注仰之心難可敷具拔公至
蒙三月二十日旨用慰積歲傾心麥冷體中
何如願一日康勝山中春夏無餘惱耳遲復
存旨弟子二三年來溘然老至眼耳聾聞心
氣昏塞故非復在人兼去歲第六兒天喪痛
苦成疾由未除愈適今月中又有哀故頻歲
如此窳慮轉深自念餘生無復能幾無由禮
接係仰何言敬重操公今還白書不次弟子

吏部尚書毛喜上智者大師書

其一曰累年仰

徐陵和南其三日陵和南放生星聞公家極相隨喜事是拔公口其謹不多諗唯遲拔公廷出數百里水全其命根如此功德笑數無盡隨喜無量此不委諗又五願上智者大師既善根微弱願力莊嚴一願臨終正念成就二願不更地獄三途三願即還人中不高不下處託生四願童真出家如法奉戒五願不墮流俗之僧憑此善心以策西陵和南慕今書丹款仰乞證明

今夏在石像行道欣羨無極又聞欲於天台營道場當在夏竟耳學徒遠近歸依者理應轉多安心林野汰喜自娛禪講不輟耳四十二字門令附雖留多時讀竟不解無因諗訪為恨轉積南嶽亦時有信照禪師在嶽嶺徒衆不異大師在時善公於山講釋論彼亦邑遲望還綱維大法不者歸鍾嶺嶺攝山亦是棲心之處何必適遠方詣道場希勿忘京師邊地之人豈知回向傾心無時不積未因接顏色東望欽滿敬德信人今返白書不具弟子毛喜和南弟子諸弟及見等悉蒙平安第三任鄱陽郡第二為豫章王司馬第四大延卿第五入閣度支郎大兒由在東宮為中書舍人仰蒙垂顧大善知識大同學輒復遠諮其二曰秋色尚熨道體何如禪禮無乃損德弟子老病相仍湯藥無効兼不得自閑轉有困耳仰承移往佛隴永恐不復接顏色悲慨具淡仰惟本以曠濟為業獨守空巖更恐違菩薩會被之旨近與徐丹陽諸善知識共詳量等是一山鍾嶺天台亦何分別必希善加三思不滯於彼我京師彌可師一二因拔師口具其間願敬道德弟子毛喜和南其三日適奉南嶽信山衆平安弟子有荅具述甲乙後信來當有音外也今奉寄戔香二片裏陸香

二勛檳榔三百子不能得多示表心弗責也
弟子毛喜和南其四慶講書曰今仰餐敷說
訓往綽然道俗嗟味般若若照明豈
是拙辭所能稱述弟子毛喜和南

智者大師遺台州鎮將書

台州沿海居民捨放生處大師遣人表聞

金陵欲求此處永為放生之池宣帝勅云此
江若無鳥賊玃味宜依所請永為福地後大
隋有國摠使江南收捕海族臨海鎮將解拔
國不論其旨謂大師江溪山水放生之處亦
在其例欲盡復民之筮業兼欲毀國清所樹
之碑故大師以書遺之云貧道少懷靜志願
屏囂塵微悟苦空得從閑曠是以去西陝之
舊里將領門徒遊憇天台十有二載但此山
溪接江源連亘海際魚捕筮業交橫塞水殺
戮既多煮炙無限非但天傷物命有足悲者
亦是公私去來頻遭沒溺以此成亡不可稱
數貧道不惟虛薄願言拯濟仍率勵山僧貨

衣資什物就土民孔玄達等買茲筮業永作
放生之池變化魚梁翻成汰流之水故臨海
內史計尚兒敬法心重仍請講說金光明經
至流水品檀越羊公賀等聞斯妙句咸捨筮
梁凡五十五所遂使水陸沾濡人蟲荷澤蓋
聞雨華滿室荅長者之恩明珠照夜報隋侯
之德斯固植妙行於前修播芳風於末代福
不唐捐善無虛矣仍以此事表白前陳故云
此江若無鳥賊玃味宜依所請永為福池國
子監祭酒徐孝克宿植德本才地兼美聞斯
積善請樹高碑冀此洪基與嶽同固願茲勝
業將日月俱全昔陳氏江東地不過數千里
猶若此慕善忘懷仰惟
皇帝陛下秉金輪而御八表握寶鏡以臨萬
民風雨順時牛馬內向信以道高堯舜德邁
軒羲加復躬行十善等赤子於羣分自運四
弘揜下生而曾濟且不麤不卵着自外書救
蟻救魚聞之內典豈有富天下而恡惜一江

源恩洽宇內而獨隔數百里改蓮華之池興
 燒煮之業使軍民恣其傷殺水陸嬰其酸楚
 身骨分離骨肉糜潰以貧道意度皇帝之心
 豈其然乎但晉王殿下道貫今古允文允武
 二南未足比其功多材多藝兩獻無以齊其
 德茂績振於山西英聲馳於江左管淮海之
 地化吳會之民不以貧道不肖曲垂禮接躬
 非世範謬荷人師具述事源爰降符命在所
 恭承莫敢違越假令別有嚴使的奉勅符毀
 所樹之碑復民筮業者貧道即振錫披衣擔
 簦躡履遠遊京輦詣闕上書殞首碎身以全
 物命况今上旨物使江南收捕海族而江溪
 山水不出海魚披省符文事不相涉特由在
 斯苟欲是非毀壞放生興殘善業當今太平
 之世路不拾遺若恣軍民收羅採捕則是奪
 人現財公行劫盜若以至尊欲令軍民豐沃
 不許放生者去貧道西遊路經嶽州刺史王
 宣武仍結香火稟受人乘而彼地民不事農

桑專行殺捕之業學士曇捷請講遂即停
 一州五縣咸捨其業凡一千餘所以事表臺
 降勅開許自是嶽州頻降祥瑞使君宣武旌
 賞倍常至尊神智高明有感皆應豈容為軍
 民口味奪人善業縣尉此啓恐成僻見且江
 溪狹小不及嶽州一基之地又止有雜魚本
 無海族至尊以晉王殿下有文武奇才故徧
 加委任江南諸州事無大小皆由決判今若
 不得注言王教不聽者則是是非由於縣裁
 斷不關晉王如此之言豈可聞於王耳且大
 王親有符旨開許放生何容在所私行壅遏
 貧道辭還幽谷有二因緣一為大王功德治
 葺舊寺二為按行江溪修營福會共諸檀越
 遠建菩提爰被存亡莊嚴永願一人有慶保
 盤石之基使十千之魚恣相望之樂貧道至
 止已久頻荷優任供給資須人功影響每思
 往彼未展來遊逃聽所聞頗傳惠化境有三
 異之德民謠五袴之歌食味高風誠淡隨喜

但君臨稍畢旋反非餘唯希善始令終以全
佳譽攀轅卧轍無愧昔賢貧道反覆九思徘徊
三省北方人士壽長有福豈非慈心少害
感此妙齡東海民庶多夭殤漁獵所以短命
貧窶乃是世間現見可為鑑誠者也今若斷
三飯之命養五陰之身斯則廢淨土之花業
起無邊之重過事既反常恐非養生之術餘
州鎮防不邊江海既處高原採捕無地未聞
命直令採捕尚乃非宜况有毀他放生以給
軍士明府在鎮清嚴遠近稱歎一錢不納一
犢方畱噲參養鵠卒獲寶珠孔愉放龜終佩
金印擅越若不逆晉王符旨不乖貧道之言
則是再灑法流奉宣帝道有德必酬無善不
報玉佩彫弓不求自至金印紫綬應念便來
今遣弟子晉明齋舊事往簡但明府揜此邦
之政務執一鎮之兵機有教必行如風靡草
願以貧道此書宣示百姓訓誨軍民使遵

言之教無為始禍改十惡之心永符元吉事
事信人口具不復委陳智其白書去之後其
事遂

永陽王上智者大師書

其一曰秋氣凄冷願安

治道願欲延屈方憑開道今遣左右陳文強
往悉其一二弟子陳伯智和南八月十日二
日弟子少奉正真長而彌篤州中事隙時得
用心但至止以來實有欽睠前書要師出鎮
講說未辱還告良以鬱陶佇聽之情不忌瞬
息重遣今信必望翻然學徒多少並存希帶
故前有白尋勒人船所遲來儀會言在促第
子陳伯智和南三曰使人山返仰具高懷域
誠不累更深為恨本知山水得性為物忘懷
復須安忍今遣迎接佇望光臨弟子陳伯智
和南

隋秦孝王請智者大師住安州方等寺書

冬一日

寒切道體何如法務勤辛有以勞念安州方

等寺奉為皇帝修立屈法師向彼行道甚

不可言已令所司發遣供給願以裏修為懷

不憚利涉也道深敬德遣白不具弟子楊俊

和南十二月十七日二日傾仰每深甚焚禪

師道體何如修習不乃勞心也夫由有展企

結良深願珍德遣白不具弟子楊俊和南

五月十九日奉施沉香等如別至願檢領

晉王上智者大師書

初修書云金風御節玉露

法師抗志名山棲心慧定法門靜悅戒行裏

修籍甚徽猷久承音德欽風已積味道為勞

能輕舉以沃虛襟佇望來儀不乖眷意也弟

子楊廣和南又治禪衆寺書云深具謙悒之

旨但高大遊處觸地自安然汰宇僧房須盡

晉王請留智者大師書

初書云弟子總持和南

嚴整經云四事供養一不可缺已勒有

司修葺願念懷受施也余子楊廣和南

致管尼仰具高懷但祗稟淨戒事成甫尔宿

音疑滯匪違認决闍黎和尚經稱勝田種子

雖投嘉苗未植方用心形永伸供養庶憑善

誘日灑塵勞九厥共緣依止有地斯亦舟航

兼運利益弘多如來化道何必止還天竺菩

薩亦變本無定方深願坦然以虛受物遲延

展禮面當諮遜謹和南○又開府柳顧言宣

口教云智者為當長去更有還期弟子意不

欲相去遼遠脫能旋迴不敢停留鎮下近山

隨樂任止又欲奉留待二月十八日同度延

陵鎮仍共至棲霞履行於彼送別○王重留

書云弟子總持和南逮旨須取明二日垂別

修復未周便深傾欵弟子前昨晝夜熟更惟

付智者至止以來未經一夏兼荆潭路遠安

居將促江波浩蕩行程難期既去此處又不
至前所半途結夏投止亦難又案經律一夏
供養僧福田無量况乎師道及大眾力凡夫
淺薄本資勝緣菩薩大慈須受應供暮春行
謝首夏向臻九旬忽違四事虛棄修心與理
於情匪安今欲仰留度夏發遣與不半途飄
露脫疑色下喧湫須依林壑安居攝山亦當
為便若法歲將滿預勒蔣州裝船南出石頭
西浮彌易既乘爽節因得順風去留之且事
理咸會此間彼處仰聽擇一意不可盡辭豈
多宣謹和南
三月一日

晉王許智者大師行書

弟子捨持和南復逮今
旨欲遂前心功德因緣

豈敢違忤謹遵宿願即命所司發遣發日離
晨仰聽詳擇庶解夏非遠秋水乘流賜答
期必當無爽用茲歡
喜以蠲悲歆謹和南

晉王謝智者大師泐門書

弟子捨持和南奉旨
今日齋竟即事登舟

睽阻方遙彌以傾欵垂示泐相雖文旨淵願
源本難尋而教門方便開悟易益恭承善誘
永以受持庶藉津梁得無退轉自服膺至道
每沾弘護將事遵途復降良藥沐浴慈被伏
用棲荷
謹和南

晉王遣使往匡山叅智者大師書

弟子捨持和
南親信傳仲

詵還逮去月朔告用慰延結契猶熾願道體
休和仰承經過攝山鍾岫寺塔安善徒眾和
肅仍留二十僧權停開善進至匡嶽結夏安
居東林禪閣還為一寺峯頂精舍復皆隨喜
敬緣勸發獲此裏修用辱身田方流汰雨金
光明福喜荷彌深弟子去月十四日始度朱
方風土異宜流金在節攝衛多不調適每有
劣然二十九日來石頭稍已平復自江浦遠

心馳情彭蠡以日為歲無時暫忘願未解夏
前預整裝束汰歲若滿即事西浮彼問酬願
務令在促非但弟子蔽識希護周爰深恐禪
慧學徒咸思鑽仰宣尼在陳致歎自衛復歸
屈道紆情事非為已今遣主
簿王灌指往祇承謹和南

智者大師述匡山寺與晉王求外護書

江州匡山東林

寺者東晉雁門慧遠法師之所創也遠是彌
天釋道安之高足安是大和尚佛圖澄之弟
子三德相承如日月星真佛法樑棟皆不可
思議人也而遠內閑半滿外善三玄德布遐
方聲高霄漢初詣山足依止一林共耶舍禪
師頭陀其下若說若默修西方觀末於林右
建立伽藍因為名東林之寺遠自創般若
佛影二臺謝靈運穿鑿流池三所梁孝元構
造重閣莊嚴寺宇即日宛然峯頂寺者是齊
慧景禪師感山人延請因棲其峯次梁慧歸

在後登躡方建伽藍峯有水泉忽然枯涸歸
燒香况願清流盈滿天降甘露於泥洹日是
以先德名蹤垂芳不斷松霞清曠觸處蕭條
公私往還莫不歸向自大化江右貧道因至
彼山憇泊東林時遊峯頂以歲為日美翫忘
勞然山下伽藍偏近驛道行人歸去頗成混
雜今奉請為兩寺檀越庶籍影響眾得安心
禮誦虔誠用酬洪澤并乞勒彼所由永禁公
私停泊沙
門某敬白

晉王荅智者大師書

弟子捨持和南垂誨述江

寺須令弟子並為檀越主山嶺盤秀下屬江
湖香爐層峯上虧雲日僊人之所戾止隱淪
於焉不歸况乎慧遠法師勝依結構謝客梁
元穿池重閣景師息心神應峯頂智者憇歷
踵武前賢師嚴道尊實深隨喜所恨寡薄無
益將來庶藉熏修方證常樂兼陳二寺偏近

驛道行人往來頗成混雜須勒彼州令去公
私使命不得停止即付所司依事頒下謹和
南三月
一日

晉王與匡山三寺書

極暄法師道體何如衆內
咸宜也雁門遠法師四依

菩薩翻飛朔野棲息南山自斯以後名德相
繼智者見今為寺檀越願修寡薄非敢克當
獎導既引良深隨喜敬
德指此承問楊廣和南

晉王與匡山禪閣寺書

春序將謝道體何如僧
衆清善匡山佛寺興自

慧遠法師師於彌天道安師於佛圖
澄妙德相承莫之為最江東龍藏悉本雁門
雁門上人創迹廬阜自梁及晉止有東林陳
晚澆漓別生禪閣僧徒好異豈稱至和智者
爰居還須合一想均願海更無異味
行人將途過指此相聞楊廣和南

晉王與匡山峯頂寺書

暮春暄和寺衆清勝禪
悅法喜致足恬懷鑪峯

香氣煙霞共遠智者經託勝地為在揔內令
為檀越誠深隨喜更追厚愧善當敬勗揚廣
和南三月
二十一日

晉王謝荅智者大師造玉泉寺書

弟子揔持和
南奉旨於荆

州當陽縣境玉泉山隱為建伽藍招提行道
圖寫地形具以賜示伏以布金徧地買園建
立奉置三尊永流萬代唱誦所不能讚筭
數所不能量孰意輕微頓蒙剏造循復來旨
爽然失措既事出神心理生望表無容違拒
苟作形迹即具聞奏嘉號乃羣名符天冠道
場聲滿洹沙世界福報
仰歸遜辭難涉謹和南

文皇帝敬問智者大師書

皇帝敬問智顛禪師
省書具至意孟秋餘

焚道體何如更修禪悅有以怡慰所須寺名額今依來請智遠師還指宣往意

晉王遣往荆襄參問智者大師書

南弟子捨持和

使至逮八月八日誨用慰馳結仰承已往衡山至當稍久法緣若竟願即沿流翼在歲陰必期展覲弟子渡江還去月移新任多有造次未善安立來旨勗以法事實用慚悚始於所居外援建立慧日道場安置賢禪師以下江陵論法師亦以遠至於內援建立法雲道場安置潭州覺禪師已下即建溪善輒以諮知仰承相次為營功德深荷扶助難用遠陳而發此至江州遂下請僧料云何能得相資前施鹽米其米迴入東林鹽以上路盈長之外乃可別營功德今山僧返路行用仰酬尋別遣使迎延頭預整歸計江山遼曩豈盡曲謹和南十月十日○次遣書往潭州迎弟子捨持和南歲聿云暮寒氣殊重禪

經行願常安樂弟子頃來每多勞疾但睽觀稍久唯用傾結仰度所營功德已當究竟今遣左親信伏達奉迎頭便事泐流延遲諮具謹和南十一月十五日○次遣荆州迎書云弟子捨持和南暄和道體勝愈仰換衡嶽汰事久當圓滿江陵功德復應成就隨喜之至難用勝言弟子今入朝覲行次陝州馳仰之誠與時而積故遣使人迎候希便進道來月下旬唯遲祗接路管怒促豈復委言謹和南二月二十二日○次於長安遣書云弟子捨持和南仰遠移歲馳誠載勞兼事入朝彌增延屬武關雖阻荆近於吳是以暫停陝州遣使承接行人返命具奉觀縷非唯年尊疾動又以結夏安居理事相推固須停止弟子還鎮非久便願泐流仰會江都庶應旦夕將聖德果亦復差機因緣多端請不勞慮謹和南九月十日○又書云弟子捨持和南僧使智遠來奉五月二日誨用慰馳結仰承衡嶽功

德圓滿優致荆巫履涉虧利深以傾悚弟子
於江都入朝至陝關眩瞶停岐陽腹內又不
調適去月未還京輦如欲相承猶自羸蕭未
即祇覲望雲延願玠納行人今返辭豈宣具
謹和南○又書云弟子捨持和南垂旨令撰
衡嶽禪師碑文郭有道之無愧辭高德逾此
陸士衡之披文想質弟子多慚既蒙獎成不
無剋勵耶鄆絕妙深恐難工還鎮病瘳或勉
強循覽行狀用難思議佛澄道安寧復過是
和南○又謝袈裟啓云弟子捨持和南垂賜
萬春樹皮袈裟一緣述是梁武帝時外國唯
獻四領今餘一而是建初烏瓊汰師所披謹
尋菩薩戒稱所着袈裟皆染使壞色况復自
然嘉樹紗彩天成相應之言無勞外假萬春
表長生之稱二翼合善譬之辭永服周旋恒
克布薩常事半月豈唯元日看如來衣深荷
慈獎謹和南○又致物啓云弟子捨持和南
幸施別業五彩幡錦香爐檀等十種示表微

誠薄仲法貶黜迺追悚謹和南○右在京遣
書云弟子捨持和南仰遠已久馳係實深獻
歲非遙傾遲虔禮暮春屆節當遣奉候謹和
南九月二十四日○又重遣云弟子捨持和
南適逮近旨用慰馳情春暄願道體康勝玉
泉創立道場嚴整禪衆歸集靜慧日新隨喜
之深難以辭諭弟子如服三石散竟調息勞
心秋仲歸蕃請夏訖公下在於拜覲差當匪
奢其間珍德今遣統軍魯子譽往祇承謹和
南○又從駕東岱於路書云弟子捨持和南
仲秋轉冷仰惟道體康愈弟子即日粗可行
未由虔禮但增延結願玠德敬遣修承謹和
南○又云捨持和南寒氣漸嚴仰惟康豫動
寂怡神興居安悅弟子陪奉鑾駕旅次長奉
遠憑勝力行往安隱瞻言祇覲庶或匪遙願
玠重此不宣具謹和南十月十九日○又還
蕃遣迎書云弟子捨持和南獻歲春明仰惟
道體勝豫禪悅法喜衆咸集業功歸有在悉

由明導敬憶江都暫欲西上先致衡嶽用賽
師恩次往渚宮以報生處虔誠此旨衛途大
江陽子臨流具申來請即蒙開許還至觀濤
年來歲往寒暑屢變恭聞功德圓滿遠難讚
述弟子多幸生在佛家過庭所聞匪直詩禮
轉輪斯奉實惟旦暮今者陪扈鑾輪較發自
京歸言停洛陽又止歷下柴望之禮本自
虞書巡會之聲盛於姬典至尊憲章先古允
叶人神相風指南奉朝東岱以今月十一日
吉辰宗事云畢于時天地載廓日月增華休
氣神光燭近被遠靈芝競吐山谷連木並秀
宮壇瘖靜曠燮之徒無醫而自愈扶老携幼
之侶不謀而同到臣子嬋見事非虛飾一物
得所萬里斯應師資至重敢不稍聞弟子從
甕蕃即辭行所夾鍾將末必屈揚州今遣奉
迎便願公下餘春未盡必希拜觀其間珍德
續復祗承

晉王謝智者大師天冠仍請淨名義疏書

和南

前揆菩薩天冠率爾式之樣深嫌不工即用
呈簡爰逮今製思出神袪圖比日連妙逾郢
匠開士五明此居其一金剛種智茲焉標萬
是知因地化物不可思議接引隨方多能盡
達冠尊於身端嚴稱普跪承頂戴覽鏡徘徊
存飾陋容增華改觀弟子多幸謬稟師資無
量劫來悉憑開悟色心無作觸仰勝緣度脫
舟航何慮不果但戒為基址信實行先保解
毗尼昔年虔受身雖踈漏心護明珠而定品
禪枝屏散歸靜猥以凡薄荷國鎮蕃為子為
臣難虧難怠豈籍四緣能入三昧此非臆斷
實荷誠說經稱非禪不智非智不禪定解相
資能證無漏又電光斷結其例甚多慧解脫
人厥朋不少即日欲服膺智斷率先名教永
汎汰流兼同治國未知底滯可開化不師嚴
道尊可降意不宿世根淺可發萌不菩薩應

機可逗時不若未堪敷化且暫息緣如可津
梁復開秘藏書云民生在三事之如一况譚
釋典而不從師今之嫌言備歷素欵成就
事重請棄飾辭謹和南六月二十一日

智者大師辭謝書

爰逮累翰殷勤至法匹夫行
善止度一身仁王行道舍生

荷賴蓋登地菩薩應生大家所以發心興隆
大道曷可量也孰可比哉貧道山僧本懷夙
志於天台舊居言念無捨度因世境安樂便
得寄趾幽林仰為行道非唯城邑近歲謬承
人况擬迹師資顧此踈傲以非時許况聖澤
日隆復垂今命省諸庸鄙靡匪克堪貧道稟
承師教禪慧頗持耳去眼流如華上水採聽
經論其功既淺賴荷禪門憑定修習比於專
學數論區分理乃弗違業乖至熟自非如
來明達種智高圓檀林殊能誰肯雙揖况乎
去聖滋遠曉悟甚微徒欲承恩懼乖深寄有
招幽譴兼虧聖德特願更違神慮別俟聖賢

晉王重請淨名義疏書

弟子捨持和南仰逮還
旨猶乘謙尊循復久之

妙果芳因使無斷絕經稱一句染神歷劫
朽大智慧海信為能入圓知深解大乘解
久任功德易滿智慧最高守質抱愚仰
希聽覽徒庸俚終不自宣沙門某白

况如自失其功以學貴承師事推物論歷求
法界緣厝心有在若習毘曇則滯有情著若
修三論又入空過甚成實雖復兼舉猶帶小
乘釋論地持但通一經之旨如使次第徧修
僧家尚難盡備况居俗而欲無崖當今數論
法師無過此地但恨不因禪發多起諍心遂
者無違來那明偈仰惟厚習善根非一生得
初乃遊學俄逢聖境南嶽禪師親所記蒞說
法第一無以仰過聚禪師來具述此事于時
心喜已域寸誠智者昔入陳朝彼國明式瓦
官大集衆論鋒起榮公強口先被折角兩瓊
繼軌裁獲交綏忍師讚嘆唯唱希有弟子仰

延之始便事勝集屈登無畏釋難如流親所
 聽聞衆咸瞻仰適承前往荆楚講法華經舊
 學名僧莫不歸服故知非禪不智驗乎金口
 比聞名僧所說智者融會盡有階差譬若羣
 流歸乎大海此之包舉始得佛意弟子即日
 而不依請譬彼彌勒今當問誰唯願未得令
 得未度令度樂說無窮法施無盡
 復使柳願言稽首虔拜謹和南

晉王謝淨名義疏書

弟子捨持和南逮旨送初

宗悉檀內外耳未曾聞故知龍樹代佛不可
 思議今所著述肉眼未覩明暗謹復研尋遲
 比觀接謹和南○又柳願言啓云弟子柳正
 善具成就稽首和南暄和不審尊體起居何
 如伏願禪法喜悅去歲經蒙一旨至今保持
 奉齋十卷玄義往仁壽宮伏讀八編粗疑畧
 盡細開難除新治六卷弁入文八軸爲莊染
 未竟少日鑽研大王今遣使人蕭通國叅承

書意自當仰簡頻被顧問奉答必來伏願夏
 竟便待舟楫冀此殘生盡心聽受懺悔往日
 懈惰昏沉啓計此應是大
 師再入天台叅問之書

天台山方外志卷第十五終

天台山方外志卷第十六

書

晉王荅智者大師辭歸天台并論荊州諸寺書

弟子捨持和南荊州玉泉十任兩寺近既賜令檢校今須書及江陵捨管當勒所由終聽僧使奢促弟子仰蒙淨戒宿世因緣稍希義理智波羅密爰降開許始制義疏方憑沃荅向入慧門昔年仰請棲霞時往觀行政為密邇朝發暮到應可認決不異邑居行道本貴安心寧勞過往天台之路幸願輟情屈已為人菩薩有賜於專契弗敢違前都未知淨人善心已墮於僧數濟度無隔唯用隨喜謹和南七月二十七日

智者大師與晉王重述天台書

前所認天台山事本聽後期爰



速報示不然夙志棲霞乃言咫尺非關本誓
之心天台既是寄終之地所以恒思果遂每
囑弟子恐命不待期一旦無常身克禽鳥焚
燒餘骨送往天台願得次生還棲山谷修業
成辦乃可利人但仰赴義門多慚芻淺發心
既重輒課庸微去聽慈恩庶無忽促政言天
台營理本擬十方安立僧徒非專為已昔年
修葺願割伽藍形可隨緣香燈難絕故欲遣
修葺冀憑方便同途校具淨人得蒙勝舉并
祈一旨事並前諮方乞寺名屈作檀越懼多
煩杳未敢同時處處結緣功德彌大玉泉十
住許垂恩為唯待教旨即遣僧使冀藉光威
三寺遙荷伽藍未整功德已圓
仰開頻煩言何能謝沙門某白

晉王重咨智者大師述天台荊州諸寺書

和南

復垂誨旨益具仁慈開士位懷隨感必應本
誓願力何患不果政言服道日淺未堪遠

深憑護念開示悟入玉泉十任天台本居仰
由勝功能得建立方須影響永至金剛江陵
書及會稽教下並勒所司以時
發遣謹和南七月二十九日

晉王與上柱國蘄郡公荊州總管逢奚儒書

智

禪師德尊望重近年紆道爰授淨戒今修治
彼州十任寺造立西徂玉泉寺並見請為檀
越復聞公等多結勝緣大乘運通良深隨喜
師今遣僧使志果法才二人還就玉泉寺法
璨道慧法師十任寺道臻法師經理想加心
影響獎成妙業公私單福幽顯同賴法事遠
白不復暄涼也楊
廣呈八月二日

晉王遣使天台參迎智者大師書

和南

和適福慧莊嚴與時高勝弟子至來未久粗
復可行近頻降兩書爰垂示功德玄義刪削

文句入初其舊維新從麓至妙會須披接方
 豁煙雲春律以謝夏坐方結敢違經教涉暑
 出迎白露宵團秋風葉下必預舟楫迎近江
 陽然仰勞著述已涉數歲般若多障近願成
 功日就月將庶方啓沃率貢別牒示表虔誠
 在敬無文仰揆弘亮其間珍德續事音語謹
 和南納袈裟十領龍鬚席二領須彌氈二領
 猶牛酥三瓶薰陸香一合又遣使人天台迎
 書云捨持和南霜氣已紫蛟契久祛方恐洞
 汭預取調適今遣奉迎祇禮非奢謹和南九
 月二十
 四日

智者大師答述度人出家書

切以今月佳辰菩薩應世奉為至尊

緣福業無量使五沙彌為弟子輒當恭旨作
 說戒師年歲既小別須和尚必選名德為作
 依止並賜浣衣即於衆前歡喜頂戴沙門敬

答述放流徒書

開府學士柳顧言宣教金光

白七月十九日

恩放流徒矜勉鞭罰上開府潘惠達儀同張
 四娘等凡四十五人賜令斟酌謹即依事伸
 詳切以一人出世多人利益淳善御俗仰屬
 輪王按此經云若犯王法繫縛枷鎖諸苦惱
 等悉令度脫又灌頂經云王當放赦屈厄之
 人徒鎖解脫王得其福天下太平雨澤以時
 人民安樂教旨符應經文豈非宿植德本慈
 善根力謬以多幸忝此大緣率勵僧徒清齋
 洗浣龍王注雨甘澤並周爰開獄門杻械解
 脫徒流原宥莫不蹈舞殿庭稱恩感戴加復
 送以勝旛仍懸寶塔登高散花燒香朗燭並
 留供設說法開示咸令向善其僧法運等雖
 看汰衣不能修心身犯國憲取穢道流忍乃
 上來戰深下恥白大衆留七日晨夜訓齊誓

依儼黜使慙誠獎耳沙門某敬白十月十六日

荅施燭書

開府柳頤言宣教以法歲圓滿爰降勞問并施金色新製香爐奩一具法衣一通綿絹百段燭三十挺紙二千張上厨果食等刹那不住節序相摧老至易悲觀心難諦幸憑弘建正法省無戒慧實懼難銷香爐起峯蓮華奪豔忍辱離塵安行履躡經稱受用無作恒生燭在夜燎紙擬淨名當機要施法事忘謝果食縑綺道場同沾歸福有在辭畧言外沙門某敬白七月十五日

王迎入城礙雨移日書

信謹和南七月二十六日
暫阻明間若晴別當遣
揔持和南霜寒道體康勝弟子還
來甫爾未暇迎延馳誠已深今遣

次迎入城書

和南九月十六日
候接翼近祗覲謹
遠欽高風未獲展待撫然西顧

後梁王蕭琮書

遠欽高風未獲展待撫然西顧
宇名僧雲會問道遠集山林佳勝有助禪悅
即事倏然風雲永歎涼暑珍膏續附承修神
足今還敢申訊謁信驛有
會方願祗承蕭琮和南

前陳領軍蔡徵與智者大師書

自江東披破第
獲虔禮于茲五載丹誠懇結豈筆札所宣山
川永遠無因諮述遠師奉命爰到闕廷天子
降情君主殊遇新故崇待南北傾心可謂使
乎使乎仲尼是以興歎仰陳勝託有慰延欽
天高氣清願道體康愈棲真千仞寂慮四禪
梁德煙雲餐悅法喜固非世俗之徒所能稱
讚徵年衰事迫可以意求弟侄兒孫隨時過
日撫塵擊壤用畢餘齡既達於窮通之數亦

不常以貧賤自恥但觀奉脩然實增馳歛伏
願珍重繼復下承脫值行人賜訪存沒開皇
十三年九月十七日前陳侍中安右將軍中
書令領軍將軍南雍州大中正新豐縣開國
侯弟子濟陽蔡
徵稽首和南

智者大師乞晉王修治三處尊像書

吳縣維衛
迦葉二像

願更聚合修復鄒縣阿育王塔寺頽毀願更
修治剡縣十丈彌勒石像金色剝壞願更莊
嚴右三處功德乞
修沙門某敬白

晉王遣使參病書

檢持和南仰承出天台已次
到剡石城寺感患未歇菩薩

示疾在疾亦愈但於翹誠交用悚灼今遣醫
李膺往處治小得康損願徐進路遲禮觀無
遠謹
和南

智者大師臨終遺晉王書

貧道初遇勝緣發心
之始上期無生法忍

下求六根清淨三業殷勤一生望獲不謂宿
罪殃深致諸留難內無實德外虛名譽學徒
強集檀越自來既不能絕域遠避而復依違
順彼自招惱亂道退行虧應得不得憂悔何
補上負三寶下愧本心此一恨也然聖法既
差自審非分欲以先師禪慧授與學人故留
滯陳都八年弘法諸來學者或易悟而早亡
或隨分而自益無兼他之才空延教化畧成
斷種自行前闕利物次虛再負先師百金之
寄此二恨也而年既西夕恒惜妙道思值明
時願逢外護初蒙四事既勵朽年師以學徒
四十餘僧三百許口於江都行道亦復開懷
待來問者億逢易悟用荅王恩而不見一人
求禪求慧與物無緣頓至於此謬當信施化
道無功此三恨也又作是念此處無緣餘方
或有先因荆潭之願願報地恩大王弘慈沛

然堪許於湘潭功德粗展微心雖結緣者衆
孰堪委業初謂緣者不來今則往來不得推
想既謬此四恨也於荊州法集聽衆一千餘
僧學禪三百州司惶慮謂乖國式豈可聚衆
用惱官人故朝同雲會幕如雨散設有善萌
不獲增長此乃世調無堪不能諧和得所五
恨也既再遊江都聖心重法令著淨名疏不
揆闇識輒述偏懷玄義始竟麾蓋入謁復許
東歸而吳會之僧咸欣聽學山間虛乏不可
聚衆束心待出訪求法門暮年衰弱許當開
化今出期既斷法緣亦絕此六恨也在山兩
夏專治玄義進解經文至佛道品爲三十一
卷將身不慎遂動熱渴一百餘日競疾治改
際此夏末慮有追呼束裝待期去月十七日
使人至山止畱一宿遽此螢光早希進路行
過剡嶺次至石城氣疾兼篤不能復前此之
義疏口授出本一編自治皆未揀簡經論僻
謬尚多不堪流布既爲王造寧羞其拙囑弟

子抄寫後本仰簡前所送玄義及入文者請
付弟子焚之天挺膚智願一徧開讀覽其大
意餘無可觀實道灰壤雖謝願留心佛添詢
訪勝德使義門無廢深窮佛教治道益明徧
行徧學是菩薩行如來滅度法赴國王貧道
何人慧門憑委欣然就盡沒有餘榮但著述
延歲文義不同悵然自慚生來所以周章者
皆爲佛法爲國王爲衆生今得法門仰寄三
爲具足六根釋矣命盡之後若有神力誓當
影護王之土境使願法流衍以荅王恩以副
本志菩薩誓願誠而不欺香火義深安知仰
謝願觀泡幻知有爲法一切無常會而不離
終不可得唯當勤戒施惠以拒四山早求出
要豈須傷法煩勞聖懷蓮花香爐犀角如意
是王所施今以仰別願德香還遠長保如意
也南嶽大師滅度之後未有碑頌前蒙教許
自制願不忘此旨南嶽師於潭州立大明寺
彌天道安於荊州立上明寺前蒙教影護願

光飾先德為作檀越王貧道在世六十年未嘗作有為功德年暮力弱多闕用心又香火施重近於荊州仰為造玉泉寺修治十住寺並蒙教囑彼總管斬郡公達奚儒僧齋教書至夏口而斬公亡書未及赴慈恩已足願為玉泉寺作檀越主今天天台頂寺茅庵稍整山下泉寺作檀越之好又更仰為立一伽藍始剪木位基命弟子營立不見寺成瞑目為恨天台未有公額願乞一名移荊州玉泉寺貫十僧任天台守乞廢寺田為天台基業寺圖弁石像發願疏悉留仰簡泰平聖世皇風整肅菩薩淨土不可思議切見諸州迭送租米車脚皆三五倍於公斂不多私費為重典章處分別有深規貧道不閑忽言國式輒謂無米之州運送宜爾有米之州當地輸送則無此私費管窺未見理若於式有妨請不須論於事有益願為謔奏使蒼生慶賴然國是王國民是王民加修慈心撫育黎庶犬馬識養人

豈忘恩乎昔聞齊高氏見負炭兵形容憔悴愍其辛苦放令出家唯一人樂去齊王歎曰人皆有妻子之愛誰肯孤房獨宿瞪視四壁自償山林以此觀之出家難得今天下曠大賦斂寬平出家者少老僧零落日就減前貫帳時或隨緣聽學或山林修道不及帳名雖復用心常懷憂懼此例不多悉有行業願許其貫管則是度人出家增益僧眾熾然佛法得何量功德昔三方鼎立用武惜人今太平一軌修文修福正是其宜又末法眾僧多行不稱服尚不扶人意况扶經律王秉國法兼匡佛教有罪者治之無罪者敬之起平等不可思議心則功德無量此等之事本欲回諗未逢機會奄成遺囑亦是為佛法為國土為眾生若能留心功德仰賽臨命口授言盡力窮期迫戀多知復分說大善知識菩提為期沙門開皇十七年十一月

晉王荅智者大師遺旨書

首和南先師天台智者

者內弟子灌頂普明至奉去十七年十一月
 二十一日遺書七帙手迹四十六字并淨名
 義疏三十一卷犀角如意蓮花香爐等跪對
 修讀摧振于心舍利儼然德音具在迦葉狼
 跡身證遙追曇光天台安禪近躡誠復如來
 雙林四部號勤而涅槃遺教汰更殷重況乎
 五百歲後四依拯溺深順佛旨居世同凡將
 欲涅槃現希有事五品十信已自皎然彌陀
 觀音親來接引去德茲永乃增悲戀追悟今
 生還慶夙稟所恨淨名經疏不重親承由冥
 尋研用補咎悔追惟障惱現機未發遜聽前
 聞亦有成就非徒悟有淺深抑又時或早晚
 佛滅度後得聖巨多道耀他方冥來曉示在
 思即世忽奉大師良由夙緣積會親近愛覃
 來命必垂影響不捨本誓筆迹具存是用歸
 誠憑靈戒懇跪受經疏如意香爐虔禮西方

心口相誓手探卷軸最後殷勤即於今月十
 八日仍感瑞夢是知濟度已降舟航唯願即
 日在寶池遙開蓮華今居淨域近既濁心世
 世生生師資不闕革九登聖給侍無虧但義
 府鈞深遺文淵博雖加策駘終畏面墻特希
 既以醍醐如出香乳聚以暗井即顯真金然
 後仰籍神通俯厲精力別詢剛僧奉揚汰味
 普共含生作大利益斯則弗遠提獎同登彼
 岸最勝最上就此為尊灌頂所送最後淨名
 義疏三十一卷至佛道品謹即裝治善書習
 讀逮旨爾前玄義入文解釋付弟子焚之即
 付還使遣對燒蕩羣魚如意蓮花香爐遠以
 垂別輒當服之無數永克法事今奉施瓦
 香爐供養龕室遺旨以天台山下遇得一處
 非常之好垂為造寺始得開翦林木位置基
 階今遣司馬王弘創建伽藍一遵指畫寺須
 公額弁立嘉名亦不違旨佛隴頭陀金各仍
 舊使移荆州玉泉十僧守天台者今山內現

前之衆多是渚宮之人已皆約勒不使張散
豈直十僧而已所求費寺水田以充基業亦
勒王弘施肥田良地深蒙擁護當年別資給
行送經一藏依法爲先師別供養具鍾幡香
等又施錢直且充日費鄧境靈塔吳內石像
剡縣彌勒尊儀卧疾之處立使裝飾亦不仰
異荆州玉泉寺旣是爲造理當異餘道場其
潭州大明寺荆州十任上明寺等先以敬許
爲檀越無容復乖今海使製南嶽師碑卽命
開府學士柳顧言爲序自撰銘頌所囑僧有
罪治無罪平等切以涅槃羯磨經有誠文正
論治國金光明品住持三寶弗敢墜失又令
加修慈心撫育民庶犬馬識養人豈忘恩蓋
聞外書爲教仁尚恕物內典居宗大慈爲晉
在文雖異詣理實同不有君子其能爲國不
有菩薩宣濟含生又以僧未貫籍許其出首
適奉詔書冥符來及見機而作所謂後天而
奉天時糧運轉輸深關軍國前已表聞所司

未報終當方便必期諧果及承寄囑斯復能
照他心前來仰答無違意旨庶籍蕙修福祐
國家灌頂會闕面引詢訪具述遺形宴坐宛
若平生轉恨失時不重餐義味仰揆定力如
須彌峙法臘云竟切願興迎一到江陽還入
禪衆道俗接足人神頂禮卽當奉送復彼山
龕庶籍瞻仰能開心目深願道力不孤所請
雖厚恩申報具在願文而實宜加跌實須酬
仰二僧今及輕奉報書遠拜靈儀心鳴
載咽謹和南開皇十八年正月二十日

晉王弔山衆書

正月二十九日捨持和南白諸

尚捨無常身大師智者遺應遷神哀摧抽惱
不能自勝念當戀慕追慟難忍永矣柰何當
復柰何侍者灌頂會明二人齋送別書觀心
論淨名疏犀角如意蓮花香爐弁智越法師
一衆啓見對增雙德音若存卽遣條流移神
靈迹祥瑞炳著自述分明舍利全身于今安

坐非證聲聞小果定入菩薩大位素聞得法
 華三昧方驗不退法輪面觀彌陀觀音大勢
 至以宿命智友契四部弟子豈不努力自揆
 寡薄無以申報唯當敬依付囑不敢彈忘應
 建伽藍指畫區域須達引繩天宮即應至金
 剛際既有要道當建繕造一遵本意昔宣尼
 去沒弟子守墓三年子貢之徒乃至六載况
 乎方置精舍永樹福基彼現前僧慎勿張散
 但使謀道何患無食期取來生西方非遠必
 若懈退寶池極遙今遣使人於佛隴峯頂度
 誠懺禮修福建齋具如願文畧伸鄙意二
 僧今返指此慰書楊廣白十一月五日

山眾謝晉王書

天台沙門智越一眾啓司馬王
 弘至僧使灌頂普明還奉正月

二十九日教賜垂慰問并宣口教優訪殷勤
 謹對龕門焚香跪讀言理哀切痛絕魂心遣
 瀆累從亡存戴荷師在之日常有誨云今得
 寺基爲王創造非爾小僧所辨別有大力勢

人後當成就恨吾不見寺成爾時莫測所由
 今蒙繕造方醒前記冥相符合不可思議經
 藏汰寶出世舟航諸佛所師衆生津導永鎮
 佛隴依止受持鍾旛香等施安供養汰鼓警
 悟利益人祇千僧法會功德圓滿伏想幽靈
 慈悲遠鑒謹於齋日披讀願文汰席悚心求
 入願海蒙齋齋糧恩給出地基業無盡施命
 無窮有待多煩隆恩難報教旨往是現前僧
 不令張散伏惟弘護事重精舍將圓同學門
 人方憑依止龕室儼然何心違離况垂嚴教
 益懼丹誠謹當克厲倍加心力但一衆失蔭
 永遠慈願追慶夙緣還蒙覆護欣悲交至臨
 啓涕零謹啓開皇十
 八年二月十五日

晉王遣使入山設周忌書

歲序推移日月如逝
 智者遷化已將一周

追深悲痛情不能已念襄慕感慟何堪自居
 今遣典籤吳景賢往彼設齋奉爲亡日追福

遲知一二楊廣和
南開皇十八年

山衆謝晉王周忌書

天台寺故智者弟子沙門智越一衆等稽首

至奉教為先師亡日設齋僧衆五百一時雲集冥途雖隔感應道通越等不能灰滅奄及諱晨追慕慈容悲哽稽首杖淚脚祭不勝荷戴謹啓謝聞謹啓

皇太子令書與山衆

僧使灌頂智燥至覽十一

現形放光彈指流音應念傳響斯實不思議力變化多方感悟有緣示希有事慎終追遠感歎相深在昔雙林示滅非滅多寶獨塔俟時涌現爰在狼迹迦葉分身乃至靈山迦文畱影眉毫散彩指端震室豈非像教能度無邊是大因緣聞善知識永惟宿昔獲承師範德音盈耳神光在日月方憑靈瑞係踵菩提肅承靈誥宣慰南服山衆法徒同志為友會成

等侶方共舟航歲暮疑寒念皆道勝天台名嶽海岸所推修建大林多漸重閣三時設供四事不周想其禪悅以同法喜其間敬德信次相聞今遣員外散騎侍郎張乾威送僧使還山於舊所設供庶同甘露能變龕蓋亦憑香積證道融銷書不盡言反此無悉楊廣和南

山衆謝皇太子書

天台寺故智者弟子沙門智越一衆啓使人兼通事舍人

張乾威至謹領前件物等並皆完淨仍即陳羅先師舍利龕前具宣來令并唱施物又千僧法齋伏惟弘護殷勤慈澤周至香爐微妙天匠莊嚴洪鍾和雅震集凡聖勝旛舒旆疑懸梵宮酥麩鹽桃請同香積法衣淨飾無著離塵醜物豐多驚眩視聽千僧雲集布滿山庭爰降王人光顯林谷奉對靈龕必神通攝受標擬衆聖真願海莊嚴越等凡微謬當恩

沐慈潤重沓難可克勝合衆虔虔如履水刃
不任戴荷之至謹啓謝聞仁壽二年正月六
日

皇太子重令書與山衆

灌頂智瓌等至在寺衆
來書財施爲輕法門標
重檀波羅密般若尊成不具兩緣寧俱解脫
施者咸共忘言理至迹指寧復辭弗揚廣和
南

山衆賀皇太子啓

天台寺故智者弟子沙門智
越一衆啓伏惟殿下睿德自
天恭膺儲副生民慶賴萬國歡寧凡在道俗
莫不舞抃况復越等早蒙覆護曲奉慈惠不
任悅豫之至謹遣僧使灌
頂智瓌等奉啓以聞謹啓

國清寺成山衆謝皇太子啓

天台寺故智者弟
子沙門智越一衆

啓伏聞龍樹遷化天竺爲立伽藍寶誌云
梁國盛修開善良由菩薩本誓互相顯發凡
是聲聞但知稱讚伏惟二故和尚具難思之
德作天人之師安禪涅槃示希有事披按經
律千載一聞妙德契彰與於聖世伏惟尊師
重道爰繕伽藍建立之所甚得山相先師嘗
言其地必待良緣追尋此記稱會今日卽寺
居五峯之內夾兩澗之流堂殿華嚴房宇巖
秘方之淨土用集神僊成就已來先師恒垂
影迹聖境雖遙有感斯應旣興塔廟故顯靈
奇爰示諸佛咸同攝受越等庸薄謬齒門徒
仰慚棟宇俯勵心力常於寺內別修齋懺恒
專禪禮庶藉裏修奉酬聖澤不任喜荷
謹遣僧使灌頂智瓌奉啓謝聞謹啓

皇太子登極山衆賀啓

天台寺沙門智越一衆
啓竊聞金輪緝寶奕世
相傳重離少陽時垂御辨伏惟皇帝菩薩聖
業平成纂臨洪祚四海萬邦道俗稱幸越等

不任喜踊之至謹遣僧使智操奉啓以聞謹啓仁壽十四年十一月三日括州臨海縣天台寺僧智越等啓

山衆謝煬帝賜物啓

天台寺沙門智越等啓使

勅旨并施物五百段謹卽集衆佛前謹對使人如法呪願越等有幸喜逢聖世伏蒙慈勅喜懼已隆復領厚賚恩賜彌重竊惟輪王地水已覺難消天府妙物寧恭受用庶藉勅慈又承佛力罄竭心膺導師遺訓專修禮誦上峇天澤不任悚荷之至謹附揚州使奉謝以聞謹啓大業元年三月十七日

唐左溪朗禪師與永嘉玄覺禪師書

自到靈溪泰然心意

高伍峯頂振錫常遊石室巖龕拂乎宴坐青松碧沼明月自生風掃白雲縱目千里名化

香果蜂鳥啣將後嘯長吟遠近皆聽鋤頭當枕細草爲羶世上崢嶸競爭人我心地未達方乃如斯儻有寸陰願垂相訪

永嘉玄覺禪師答左溪朗禪師書

自別以來經今數載遙心

眷想時復成勞忽奉來書適然無慮不委信後道體如何法味資神故應清樂也玄覺粗得延時欽詠德音非言可述承懷節操獨處幽棲泯迹人間潛形山谷親朋絕往鳥獸時遊竟夜絲絲終朝寂寂視聽都息心累間然獨宿孤峯端居樹下息繁飡道誠合如之尺牘清裁節文

宋陸放翁與明老改正寒山子詩書

有人兮山徑雲卷兮

霞纓乘芳兮欲寄路漫兮難征心惆悵兮疑蹇獨立兮忠貞此寒山子所作楚辭也今

亦在集中妄人竄改附茲至不可讀放翁書寄天封明公或以刻之山中也

朱晦菴與南老索寒山子詩書

熹啟上清泉老每往兒輩附問

黃婿得之聞久時得書也出師表未暇寫得催寫得轉寄去未晚也寒山詩刻成幸早見寄有便只附至臨安趙節推廳託其尋便必無不達渠黃巖人也熹啟上國清南公禪師

方丈



天台山方外志卷第十六終

